



*Համարը N 704-Ն  
Տիպը Որոշում  
Սկզբնաղբյուրը ՀՀՊՏ 2009.07.15/35(701)  
Հոդ. 827*

*Ընդունող մարմինը ՀՀ կառավարություն  
Ստորագրող մարմինը ՀՀ վարչապետ  
Վավերացնող մարմինը  
Ուժի մեջ մտնելու ամսաթիվը 25.07.2009*

*Տեսակը Ինկորպորացիա  
Կարգավիճակը Գործում է  
Ընդունման վայրը Երևան*

*Ընդունման ամսաթիվը 26.06.2009  
Ստորագրման ամսաթիվը 02.07.2009  
Վավերացման ամսաթիվը  
Ուժը կորցնելու ամսաթիվը*

**✚ Կապեր այլ փաստաթղթերի հետ**  
**✚ Փոփոխողներ և ինկորպորացիաներ**

ՀՀ ԿԱՌԱՎԱՐՈՒԹՅԱՆ ՈՐՈՇՈՒՄԸ ՕՐԳԱՆԱԿԱՆ ԳՅՈՒՂԱՏՆՏԵՍՈՒԹՅԱՆ ՈԼՈՐՏՈՒՄ  
ՀԱՄԱՊԱՏԱՍԽԱՆՈՒԹՅԱՆ ՍԵՐՏԻՖԻԿԱՏ ՏԱԼՈՒ ԿԱՐԳԸ ԵՎ ՕՐԳԱՆԱԿԱՆ ԳՅՈՒՂԱՏՆՏԵՍԱԿԱՆ  
ԱՐՏԱԴՐԱՆՔԻ ՀԱՄԱՊԱՏԱՍԽԱՆՈՒԹՅԱՆ ՆՇԱՆԻ, ՀԱՄԱՊԱՏԱՍԽԱՆՈՒԹՅԱՆ ՍԵՐՏԻՖԻԿԱՏԻ  
ՁԵՎԵՐԸ ՀԱՍՏԱՏԵԼՈՒ ՄԱՍԻՆ

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ**

**Ո Ր Ո Շ ՈՒ Մ**

26 հունիսի 2009 թվականի N 704-Ն

**ՕՐԳԱՆԱԿԱՆ ԳՅՈՒՂԱՏՆՏԵՍՈՒԹՅԱՆ ՈԼՈՐՏՈՒՄ ՀԱՄԱՊԱՏԱՍԽԱՆՈՒԹՅԱՆ ՍԵՐՏԻՖԻԿԱՏ  
ՏԱԼՈՒ ԿԱՐԳԸ ԵՎ ՕՐԳԱՆԱԿԱՆ ԳՅՈՒՂԱՏՆՏԵՍԱԿԱՆ ԱՐՏԱԴՐԱՆՔԻ ՀԱՄԱՊԱՏԱՍԽԱՆՈՒԹՅԱՆ  
ՆՇԱՆԻ, ՀԱՄԱՊԱՏԱՍԽԱՆՈՒԹՅԱՆ ՍԵՐՏԻՖԻԿԱՏԻ ՁԵՎԵՐԸ ՀԱՍՏԱՏԵԼՈՒ ՄԱՍԻՆ  
(վերնագիրը փոփ. 27.04.17 N 440-Ն)**

- Հիմք ընդունելով «Օրգանական գյուղատնտեսության մասին» Հայաստանի Հանրապետության օրենքի 7-րդ և 9-րդ հոդվածների դրույթները՝ Հայաստանի Հանրապետության կառավարությունը **որոշում է.**
- 1. Հաստատել՝
    - 1) օրգանական գյուղատնտեսության ոլորտում համապատասխանության սերտիֆիկատ տալու կարգը՝ համաձայն N 1 հավելվածի.
    - 2) օրգանական գյուղատնտեսական արտադրանքի համապատասխանության նշանի ձևը՝ համաձայն N 2 հավելվածի.
    - 3) օրգանական գյուղատնտեսական արտադրանքի համապատասխանության սերտիֆիկատի ձևը՝ համաձայն N 3 հավելվածի.
    - 4) **(Ընթացիկում ուժը կորցրել է 27.04.17 N 440-Ն)**  
**(1-ի կետը փոփ. 27.04.17 N 440-Ն)**
  - 2. Սույն որոշումն ուժի մեջ է մտնում պաշտոնական հրապարակման օրվան հաջորդող տասներորդ օրը:

**Հայաստանի Հանրապետության  
վարչապետ**

**S. Սարգսյան**

2009 թ. հուլիսի 2  
Երևան

Հավելված N 1

ՀՀ կառավարության 2009 թվականի  
հունիսի 26-ի N 704-Ն որոշման

Կ Ա Ր Գ

ՕՐԳԱՆԱԿԱՆ ԳՅՈՒՂԱՏՆՏԵՍՈՒԹՅԱՆ ՈԼՈՐՏՈՒՄ ՀԱՄԱՊԱՏԱՍԽԱՆՈՒԹՅԱՆ ՍԵՐՏԻՖԻԿԱՏ  
ՏԱԼՈՒ

1. Օրգանական գյուղատնտեսությամբ զբաղվող ֆիզիկական կամ իրավաբանական անձը (այսուհետ՝ տնտեսավարող սուբյեկտ) օրգանական գյուղատնտեսական արտադրանքի համապատասխանության սերտիֆիկատ ստանալու նպատակով սերտիֆիկացման մարմին է ներկայացնում հայտ՝ համաձայն ձևի, որում պարտադիր նշվում են՝

1) իրավաբանական անձի և անհատ ձեռնարկատիրոջ դեպքում՝ անվանումը, գտնվելու և գործունեության իրականացման վայրերը, հեռախոսահամարը, իսկ ֆիզիկական անձի դեպքում՝ անունը, ազգանունը, անձնագրի պատճենը, հաշվառման և բնակության վայրերը (եթե տարբեր են) և գործունեության իրականացման վայրը, հեռախոսահամարը.

2) գյուղացիական արտադրանք արտադրելու նպատակով համատեղ գործունեության պայմանագրի կնքած ֆիզիկական անձանց դեպքում՝ պայմանագրի պատճենը.

3) օրգանական գյուղատնտեսական գործունեության վարման տարածքի (հողատարածք, պահեստ, արտադրամաս և այլն) սեփականության, վարձակալության կամ անհատույց օգտագործման իրավունքները հավաստող փաստաթղթերի պատճենները.

4) առկա բուսատեսակների, կենդանիների և մեղվափեթակների քանակությունը.

5) Հայաստանի Հանրապետության կառավարության 2009 թվականի ապրիլի 30-ի N 451-Ն որոշմամբ հաստատված անվանացանկում (այսուհետ՝ թույլատրելի նյութերի ցանկ) չընդգրկված նյութերի վերջին անգամ օգտագործման տարեթիվը:

*(1-ին կետը փոփ. 29.03.12 N 367-Ն, փոփ., լրաց. 27.04.17 N 440-Ն)*

2. Սերտիֆիկացման մարմինը երկօրյա ժամկետում քննության է առնում ներկայացված փաստաթղթերը և դրական եզրակացության դեպքում՝

1) *(Էնթալեոն ուժը կորցրել է 27.04.17 N 440-Ն)*

2) տնտեսավարող սուբյեկտի հետ կնքում է «Օրգանական գյուղատնտեսական արտադրանքի համապատասխանության սերտիֆիկատ տալու մասին» պայմանագիր, եթե տնտեսավարող սուբյեկտը ծավալում է օրգանական գյուղատնտեսության օրենսդրությանը համապատասխան գործունեություն:

*(2-րդ կետը փոփ. 27.04.17 N 440-Ն)*

3. Եթե տարվա ընթացքում բոլոր աշխատանքները կատարվել են օրգանական գյուղատնտեսության մասին օրենսդրությանը համապատասխան, ապա սերտիֆիկացման մարմինը տնտեսավարող սուբյեկտին տալիս է օրգանական գյուղատնտեսական արտադրանքի համապատասխանության սերտիֆիկատ, որում պարտադիր նշվում են՝

1) սերտիֆիկատի համարը.

2) արտադրողի անունը, ազգանունը (անվանումը) և հաշվառման կամ գտնվելու վայրը.

3) գործունեության ոլորտը (բուսաբուծություն, անասնապահություն, վերամշակում, մեղվաբուծություն).

4) տվյալ տարում արտադրված արտադրանքի խմբաքանակի համարը և քանակը (քաշը).

5) արտադրանքը ճանաչվել է օրգանական, թե անցումային շրջանի օրգանական.

6) սերտիֆիկացման մարմնի անվանումը, գտնվելու կամ գործունեության իրականացման վայրը, հավատարմագրման վկայականի համարը.

7) սերտիֆիկացման մարմնի կողմից տնտեսավարող սուբյեկտի մոտ իրականացված դիտարկումների օրերը.

8) սերտիֆիկացման մարմնի կողմից կիրառված տեխնիկական կանոնակարգերը և ստանդարտները.

9) սերտիֆիկացման մարմնի տնօրենի ստորագրությունը և կնիքը.

10) սերտիֆիկացման մարմնի նույնականացման նշագիրը, եթե այն առկա է.

11) սերտիֆիկատի գործողության ժամկետը:

4. Սերտիֆիկացման մարմինն օրգանական գյուղատնտեսությամբ զբաղվող տնտեսավարող սուբյեկտներին օրգանական գյուղատնտեսությամբ զբաղվող տնտեսավարող սուբյեկտների պետական գրանցամատյանում գրանցելու, գրանցումից հանելու, սերտիֆիկատի գործողությունը կասեցնելու կամ դադարեցնելու դեպքում՝ եռօրյա ժամկետում պաշտոնական գրությամբ տեղեկացնում է գրանցամատյանը վարող պետական կառավարման լիազոր մարմնին:

5. Սերտիֆիկացման մարմինը գրանցամատյանը վարող պետական կառավարման լիազոր մարմին է ներկայացնում հետևյալ տեղեկատվությունը

1) տնտեսավարող սուբյեկտ իրավաբանական անձի անվանումը կամ ֆիզիկական անձի, այդ թվում՝ անհատ ձեռնարկատիրոջ անունը, ազգանունը.

2) իրավաբանական անձի և անհատ ձեռնարկատիրոջ դեպքում՝ գտնվելու և գործունեության իրականացման վայրերը, իսկ ֆիզիկական անձի դեպքում՝ բնակության ու հաշվառման վայրը (եթե տարբեր են) և գործունեության

- իրականացման վայրը.
- 3) տնտեսավարող սուբյեկտի հեռախոսահամարը.
  - 4) իրավաբանական անձի պետական գրանցման կամ անհատ ձեռնարկատիրոջ հաշվառման համարը.
  - 5) օրգանական գյուղատնտեսական արտադրանքի համապատասխանության սերտիֆիկատի համարը.
  - 6) օրգանական (անցումային շրջանի օրգանական) ճանաչված արտադրանքի արտադրման ամսաթիվը, տեսակը, խմբաբանակի համարը և քանակը (քաշը).
  - 7) սերտիֆիկատի գործողության կասեցման կամ դադարեցման ամսաթիվը:  
(5-րդ կետը լրաց. 27.04.17 N 440-Ն)

Հայաստանի Հանրապետության  
կառավարության աշխատակազմի  
ղեկավար

Դ. Սարգսյան

24

Հ Ա Յ Տ

ՕՐԳԱՆԱԿԱՆ ԳՅՈՒՂԱՏՆՏԵՍՈՒԹՅԱՆ ՈԼՈՐՏՈՒՄ ՍԵՐՏԻՖԻԿԱՑՄԱՆ ՄԱՍԻՆ

Խնդրում եմ տրամադրել օրգանական գյուղատնտեսության ոլորտում համապատասխանության սերտիֆիկատ

1. \_\_\_\_\_  
(իրավաբանական անձի անվանումը, ֆիզիկական անձի անունը, ազգանունը)
2. \_\_\_\_\_  
(իրավաբանական անձի և անհատ ձեռնարկատիրոջ դեպքում՝ գտնվելու և գործունեության իրականացման վայրերը, հեռախոսահամարը, իսկ ֆիզիկական անձի դեպքում՝ հաշվառման և բնակության վայրը (եթե տարբեր են) և գործունեության իրականացման վայրը, հեռախոսահամարը)
- \_\_\_\_\_
- \_\_\_\_\_

Իրավաբանական անձի պետական գրանցման/անհատ ձեռնարկատիրոջ հաշվառման համարը

□□□□□□□□

3. Իմ կողմից գործունեություն ծավալած տարածքում Հայաստանի Հանրապետության կառավարության 2009 թվականի ապրիլի 30-ի N 451-Ն որոշմամբ հաստատված անվանացանկում չընդգրկված նյութ վերջին անգամ օգտագործվել է ..... թվականին:
4. Հայտին կից ներկայացվող փաստաթղթերն են՝
- 1) անձնագրի պատճենները, իսկ գյուղացիական արտադրանք արտադրելու նպատակով համատեղ գործունեության պայմանագիր կնքած ֆիզիկական անձանց դեպքում՝ պայմանագրի և անձնագրի պատճենները.
  - 2) օրգանական գյուղատնտեսական գործունեության վարման տարածքի (հողատարածք, պահեստ, արտադրամաս և այլն) սեփականության, վարձակալության կամ անհատույց օգտագործման իրավունքները հավաստող փաստաթղթերի պատճենները.
  - 3) տեղեկանք առկա բուսատեսակների, կենդանիների և մեղվափեթակների քանակությունների մասին:  
Հայտնում եմ, որ ներկայացված փաստաթղթերը և դրանցում նշված տեղեկությունները ճիշտ են, որի համար ստորագրում եմ:
  - 5. Տալիս եմ իմ համաձայնությունը՝ հայտում նշված անձնական տվյալները գյուղատնտեսության ոլորտում
- Հայաստանի Հանրապետության կառավարության լիազոր մարմնին փոխանցելու համար □
- (լրացվում է միայն անհատ ձեռնարկատեր չհանդիսացող ֆիզիկական անձանց կողմից):

(ստորագրությունը)

(անունը, ազգանունը)

\_\_\_\_\_ 20 թ.

(ձևը լրաց., փոփ. 27.04.17 N 440-Ն)

(հավելվածը փոփ. 29.03.12 N 367-Ն, փոփ., լրաց. 27.04.17 N 440-Ն)

Հավելված N 2

ՀՀ կառավարության 2009 թվականի  
հունիսի 26-ի N 704-Ն որոշման

26

ՕՐԳԱՆԱԿԱՆ ԳՅՈՒՂԱՏՆՏԵՍԱԿԱՆ ԱՐՏԱԴՐԱՆՔԻ ՀԱՄԱՊԱՏԱՍԽԱՆՈՒԹՅԱՆ ՆՇԱՆԸ



Օրգանական գյուղատնտեսական արտադրանքի համապատասխանության նշանը կիրառելի է միայն օրգանական եղանակով արտադրված և օրգանական գյուղատնտեսական արտադրանքի համապատասխանության սերտիֆիկատ ստացած արտադրանքի համար:

Հայաստանի Հանրապետության  
կառավարության աշխատակազմի  
ղեկավար

Դ. Սարգսյան

Հավելված N 3

ՀՀ կառավարության 2009 թվականի

հունիսի 26-ի N 704-Ն որոշման

24

Ս Ե Ր Տ Ի Ֆ Ի Կ Ա Տ

ՕՐԳԱՆԱԿԱՆ ԳՅՈՒՂԱՏՆՏԵՍԱԿԱՆ ԱՐՏԱԴՐԱՆՔԻ ՀԱՄԱՊԱՏԱՍԽԱՆՈՒԹՅԱՆ

N .....



Սույն սերտիֆիկատը վկայում է, որ գործելով \_\_\_\_\_

\_\_\_\_\_ ոլորտում,  
(գործունեության ոլորտը)

\_\_\_\_\_ (տնտեսավարող սուբյեկտի հաշվառման կամ գտնվելու վայրը, անունը, ազգանունը (անվանումը))

կողմից 200 թ. արտադրված \_\_\_\_\_  
(խմբաքանակի համարը և քանակը (քաշը))

\_\_\_\_\_ (արտադրանքի տեսակը)

ճանաչվել է \_\_\_\_\_ արտադրանք:  
(օրգանական (անցումային շրջանի օրգանական))

Սերտիֆիկացման մարմնի՝  
Անվանումը \_\_\_\_\_

Գտնվելու կամ  
գործունեության  
իրականացման վայրը \_\_\_\_\_

հավատարմագրման վկայականի համարը \_\_\_\_\_

Տարվա ընթացքում կատարվել է \_\_\_\_\_ դիտարկում

\_\_\_\_\_ (դիտարկումների օրերը)

\_\_\_\_\_

\_\_\_\_\_ (նշումներ սերտիֆիկացման մարմնի կողմից կիրառված տեխնիկական կանոնակարգերի կամ ստանդարտների մասին)

Տնօրեն \_\_\_\_\_

\_\_\_\_\_

(ստորագրությունը)

(անունը, ազգանունը)



Կ.Տ.

Տրված է ... ..... 200 թ.

Ուժի մեջ է մինչև .... .....200 թ.

Հայաստանի Հանրապետության  
կառավարության աշխատակազմի  
ղեկավար

Դ. Սարգսյան

Հավելված N 4  
ՀՀ կառավարության 2009 թվականի  
հունիսի 26-ի N 704-Ն որոշման

24

Ս Ե Ր Տ Ի Ֆ Ի Կ Ա Տ

ՕՐԳԱՆԱԿԱՆ ԳՅՈՒՂԱՏՆՏԵՍՈՒԹՅԱՆ ՈԼՈՐՏԻ ԱՐՏԱԴՐՈՒԹՅԱՆ ՄԵԹՈԴԻ  
ՀԱՄԱՊԱՏԱՍԽԱՆՈՒԹՅԱՆ

(հավելվածն ուժը կորցրել է 27.04.17 N 440-Ն)